

平伏陷塌條辨卷四

句曲俞茂鯤天池輯錄

痘症乃小兒生死關頭。醫家每多棘手。然症之輕重毒之深淺。余不揣愚昧。敢于金鏡錄中。加以集註。解其精妙。又將順險逆三症。以及補遺雜言。增附于後。雖非盡出心裁。却廣諸家治法。似覺症無遺漏矣。書稿已付梨棗。忽憶陷症內有平伏塌陷之分。乃業醫之尤難剖者。惜今人之識證不透。歸先哲之分類未明。分治未詳。然執之于中。固有平陷伏陷倒陷塌陷四屬之別。豈可只以一陷而概其平伏倒塌耶。余故以

一得之私。分類分治之秘。公之于世。或不以余言爲劣。幸之幸之。

平

平頂不尖起。而無高突之勢也。乃起發不透。此症有屬氣虛。而然者。亦有因毒盛固結而然者。痘雖不起。發顆粒尙在。但平而不峻。毒氣盛者。色赤而黯。起脹時用鬆肌活血之味。川芎當歸蟬退。山查桔梗。紫草茸。燒人屎。生地。黃芪。山甲。漿灌期用奪命五毒丹。七元氣虛者。色白而混。形如荳殼起脹。時用保元湯。七加白米。廣皮。蟬退。歸身。川芎。山甲。以治灌漿。



伏

時用參歸鹿茸湯平加官桂木香白朮川芎有痘出太密而平或有他症而平須隨其症而治之不可只治其平也史氏云一二日痘出細小而頂平四五日顆粒漸大頂則更平皮薄色白形如荳殼者此氣血大虛而漿不行也急宜溫補

伏而不起也與前賦之出不快全義比如物之生而不長云痘色紅紫乾枯不分顆粒身熱煩躁便閉而出不快者此毒塞滯血氣不行之故也用當歸生地川芎桔梗大力連翹山查木通荆芥防風黃連黃芩紫草茸加入燒人尿治如熱甚

腹脹大便閉結氣喘者用前方加大黃枳實治之。○痘色淡白不食手足冷身涼二便利而出不快者此元氣怯弱不能載毒出外也。用溫中益氣湯^{二十}托之。聲重鼻塞咳嗽惡寒而出不快者受風寒而伏也。用加減參蘇飲^{十九}或麻黃解毒湯^{二十}其勞苦之人皮膚厚腠理密而出不快者同治。○其外另有風寒襲之而伏者當發熱時忽被風所侵其痘色變或青或灰白形不起發用桂枝葛根湯^三合麻黃湯去杏仁石膏服。○被寒所抑者外寒內熱閉結鬱毒于內發出癰疹如痣黥或青紫塊俗云鬼捻青用賽春雷服^六又有被凍而痘如

葡萄色者。上肉桂磨湯與服。卽變紅活而起。○有因陰雨寒濕之氣襲之而伏者。用五苓散^{九十}加防風蒼朮治之。○有因氣暄熱蓋覆太厚。火毒遏而伏者。用人參白虎湯^六加干葛治之。○又有悞服藥餌。悞傷飲食。使痘伏不起。須治其所因為主。再審何處不起。須加引經藥。頭額不起。用川芎。面部不起。用升麻。胸背不起。用桔梗^{羌活}。腰膝不起。用牛膝。兩手足不起。用桂枝。防風。蓋引諸藥入其經絡所屬也。

陷

陷頂不凸起而返凹下也。此候在起脹灌漿時有之。史氏有

紫陷。黑陷。白陷。灰陷。血陷。五者之分。余意紫色而陷。急須解托。若治之不得其法。勢必變黑而難生。如見白色而陷。急須補托。藥之不得其法。勢必變灰而難愈。其血色過紅。痘成血泡。須峻補其氣可也。若不早知峻補。勢必卽成血陷而莫救。總之皆歸于黑陷而死。經所云變黑歸腎。又云出而復入也。治何益哉。痘稠密紅紫而頂陷者。紫陷也。此毒熱熾盛。氣逆血凝也。當消毒活血湯。高主之痘顆稠密。形色白而頂陷者。白陷也。此氣血虛寒。不能送毒成漿。宜參歸鹿茸湯。高主之金內托散。九主之通頂皆成血泡。而不成漿。乃氣不能統血。

也。當大補其氣。失治則成血陷矣。血陷與紫陷有別。血陷屬氣虛。色紅而不紫。聲氣微。身涼。紫陷屬熱。色紫。身熱。聲氣粗。余治血陷以五味異攻散。干加黃芪白芍主之。紫黑陷用無比散。十或升天散。附主之。灰白陷用十全大補湯。八十主之。兼

瀉用十二味異攻散。二十

準繩云。痘瘡內而不出。謂之伏。外而復入。謂之陷。痘瘡黑陷。當分四証。

一則感風寒。肌竅閉塞。血凝而不行。必身痛。四肢微厥。癍點不長。或變黑色。或變青紫癰疹。此為倒伏也。宜溫肌發散。桂

枝葛根湯三加麻黃蟬退或以紫草飲二吞奪命五毒丹七

外用芫荽酒四噴之或用水楊湯四浴之須令溫散寒邪然

後熱氣復行則其痘自長矣

二則毒氣太盛內外蒸爍毒復入裏必心煩狂躁氣喘妄言

如見鬼神大小便秘渴而腹脹此爲倒陷症也病邪輕者宜

利小便用山梔大黃木通甘草車前赤茯苓麥人參滑石扁

蓄或用連翹荆防木通車前當歸柴胡赤芍滑石蟬脫黃芩

山枝甘草紫草主之甚者用百祥丸百或宣風散九以瀉膀

胱之毒令陽氣復還脾胃溫煖服之身溫欲飲水者可治是



脾強勝腎。陷者當復出矣。若加寒戰身冷。汗出耳尻反熱者死。

三則內虛而不能使陽氣以副榮衛。故出而復沒。頂陷色白。或黑色。其人必不能食。大便自利。或嘔或厥。此因虛而不出。謂之陷伏也。宜用溫中之劑。令其胃煖。榮衛復行。則當自起矣。用十全大補湯。八十陳氏木香散。二十理中湯。九加黃芪官桂。皆可選用。外用芫荽酒。四十噴之。或因服藥誤下之後。毒氣入裏而黑陷者。則宜溫養而表出之。先以理中湯。九十溫養其裏。後以桂枝葛根湯。三疎解其表。如不起。再加麻黃。



四則被房室等雜穢惡氣衝觸而黑陷者則宜熏解之內服

紫草茸人參白芍蟬退甘草山甲外用芫荽酒四噴及茵陳

熏法用乾茵陳研末搗紅棗膏和丸如雞子大晒乾燒烟熏

凡出痘之家房內亦可以此丸長燒甚妙余治一切陷症皆

用三妙湯五或水楊湯四浴之甚效惟虛症不宜全浴或只

洗四肢亦可

史氏云痘起發之時不徐不疾日漸長大尖圓光澤根脚紅

活此元氣充足載血而行不須服藥如雖紅活頂平不成尖

圓皮不堅厚將變為癢塌乃氣虛也用四君子湯一百加入木

十五

香青皮山查黃芪官桂如瘡皮薄色嬌而頂平此氣不勝血
當補氣涼血宜八珍湯百去川芎地黃加荆防黃芪官桂或
加燒人尿

痘瘡起發尖圓爲貴如四圍起中心平凹者有二種有血化
成水四圍高起心中略低凹者俗呼爲茱萸痘此中氣不足
發未透徹故耳能食者自起不能食者速扶中氣以人參白
朮散五主之有四圍沸起中心落陷無水猶似死肉其形如
錢宜急攻之若待點變黑色不可治矣此名鬼痘用五味異
攻散六加青皮木香白芷烏藥主之或加入無比散亦可十

廻陽丹專治痘平陷不起此方有起死廻生之功用于四五朝前其効甚速用在七八日後則噬臍矣

將彌月將生胞羊酒洗淨用麻纏成團以臘糟裹外置新瓦上四圍炭火炙之俟其糟焦如墨樣去糟再焙乾入官桂丁香各五錢人參一兩木香三錢合研成末以升麻煎酒調服每服一錢二錢視兒之大小與服

塌

陷者中陷而不起根窠猶在塌則平塌散漫而無根陷塌者未滿而塌倒塌者滿而後塌也倒塌者七日之後根窠發足

漿滿之次。或因吐瀉等症。致令氣血乾枯。毒因內陷而塌。治

當調理脾土。以人參白朮散五主之。少加山甲如瀉。甚用

二味異攻散八。如元氣虧傷。陷塌而瀉者。速急救其元氣。須

十全大補湯三。大劑補之。或以五味異攻散六。重用人參。少

加升麻肉桂。使痘重灌。臭爛得其厚。靨而生。



痘症心法條辨

卷四

七



北京中医药大学图书馆版权

癰疔斑丹條辨

附危惡雜症并經候姪娠產婦

予於金鏡錄賦。既已順文詳釋。復以平伏陷塌。分行別類。加以治法。集錄于前。茲又何以蔓引牽附也。夫痘證顆粒形色。以及發熱起至痂落止之順。險逆等症。凡可治不必治。備述下卷。雖不能如先賢之精奧。亦庶可少指時醫之混昧也。但痘症之最惡者。無過癰疔。極酷者。無過斑丹。此四者。不但醫家稱爲棘手。卽患痘之父母。亦知其難救。又有至險至惡之症。初學勿知棘手。患家不知莫救。或口稱症惡而極取資財。終無可救之方。或耳聽症危而慳吝藥本。竟成無生之法。併

將室女經行并妊婦胎前產後附錄卷中細申詳治共成
帙。自覺披肝瀝血恐蹈貂尾之誚。此書倘果行于世。在初學
者不無少補。患症者或可全生。

癰

癰陽毒。疽陰毒。又云高腫而圓突者爲陽。平塌而橫長者爲
陰。癰乃陰陽不交。皆因氣血凝結而成也。初出宜散。未成宜
清解。已成宜補托。此一定之法也。又云陽毒用清涼。陰毒用
補托。然亦須視兒之元氣強弱而施其當。解當散。當補當托。
爲要。



癰卽毒也。初發熱時，痘未見點而發者，名痼毒。名元陽毒，亦名催毒。痘標時同發者，名隨毒。痘在九日前發者，名鬼塊。名中毒，亦名陰毒。痘正起發，灌漿時發者，此在隨毒中毒之間。九日後發者，名回毒。其名雖多，治法無二。已于首卷中詳明之矣。無容再續。至落痂靨後，名曰餘毒。最爲惡候。輕則殘疾一生，重則悠然殞命。能不悲哉。故重申之。

王損菴云：痘後癰毒之發，乃因痘未出盡，膿未灌滿，使毒氣留于臟腑。故于經絡所屬之處，或于關節動搖肌肉之間，紅腫而成癰。又或痘既平之後，失于解利，餘毒火盛，外不得洩。